



## Programa ji bo daristan, erd û karê bi heywanan re

Programa ji bo daristan, erd û karê bi heywanan re ji bo wan kesan e ku dixwazin wezîfeyên di nava karê xwezayê de bikin.

Ev dikare karê cotyarîyê, lênêrîna park û bexçeyan be.

Her weha ev dikare lênêrîna daristanê yan jî bi awayên cuda karê rêkûpêkkirina jîngehê be.

Heger tu ji karê xwedîkirina heywanan hez dikî wê demê ev programek ji bo te ye.

### Di programê de van tiştan hîn dibî

Derfet ji bo te tê dayîn ku tu di warê cotyarî, lênêrîna daristanan, xebata li bexçe û xwedîkirina hewyanan de agahî û zanebûnan wergirî.

Di programê de tu di derbarê nebat û hewyanan de gelekî tişt hîn dibî.

Di derbarê têkiliyên ekolojîk yên di xwezayê de tu dikarî zanebûnên xwe bi pêş bixî.

Weke mînak tu hîn dibî ka mirov lênêrîna park û bexçeyan çawa dike.

Her weha zanebûnên di derbarê çandina gul û nebatand de jî werdigirî.

Heger biryarê bidî ku karê bi heywanan re bikî wê demê derfet hene ku tu zanebûnên xwe yên di derbarê lênêrîna hespan û heywanên cotyarîyê de bi pêş bixî.

Her weha zanebûn ji te re têne dayîn ku tu karibî alav û makîneyên di karê te de pêwîst bikarbînî.

Di programê de bi kesên din re bi hev re perwerde dibînin ku bi servîseke baş bi însanan re danûstendîne bikin.

Pirsên jîngeha kar beşeke girîng ya programê ye, ji bo ku di pêşerojê de tu li cihê kar zerarê nebînî û her tim bibî xwedî tenduristîyeke baş.

### Program wiha hatiye amadekirin

Dersên hevpar yên dibistanên taybet yên lîseyê.

Di programên neteweyî de dersên ku herkes divê bixwîne hene. Ji vana re dibêjin dersên hevpar yên dibistanên taybet yên lîseyê.

Ev ders vana ne:

- Înglîzî
- xebata estetîkî
- dirok
- spor û tenduristî
- matematîk
- xwezazanî

- olzanî
- civakzanî
- swêdî yan jî swêdî weke zimanê dûemîn.

### Dersên hevpar yên programê

Di programê de dersên pişeyî yan jî dersên taybetmendî hene ku ji wan re dibêjin dersên hevpar yên programê.

Hemû şagirdên programa ji bo daristan, erd yan jî heywan pêwîst e van dersan bixwînin.

Vana jî ev in:

- biyolojî-karkirina li xwezayê
- karkirina li xwezayê
- teknîka karkirina li xwezayê.

### Pêdaketina hûrûkûr ya programê

Tu her weha çend dersên din jî dixwîni ku di beşa te hîlbijartîye de bêtir zanebûnan dide te. Ji vana re dibêjin pêdaketina hûrûkûr ya programê.

Ji ber ku dibistanên cuda di warê pêdaketina hûrûkûr ya programê de dersên cuda pêşwazî dikin tu dikarî bi xwe ji dibistana miraceatê wê dikî bipirsi ka li cem wan kîjan dersên pêdaketina hûrûkûr ya programê têne dayîn.

Her weha li ser webçîhê [www.skolverket.se](http://www.skolverket.se), di bin beşa Förskola och skola (Pêşdibistan û dibistan) dikarî bêtir li ser pêdaketina hûrûkûr ya programê bixwîni.

### Hilbijartina şexsî

Tu her weha hîlbijartîneke şexsî jî dikî. Tu dikarî çend dersên ku di programê de çih nagirin, lê ji aliyê hemû şagirdên li dibistanê ve dikarin werin xwendin, hîlbijêrî.

### Pîlana dersan

Ji bo her dersek li Lîseyê perwerdeya taybetî pîlaneke dersan ya bi kursên pûankirî heye.

Heger tu serkeftî bî midûr dikare biryar bide ku tu kurs yan jî dersên li dibistana lîseyê bixwîni. Bi wî awayî pêşbirkexwazîya perwerdeya te zêdetir dibe.

### Not û qarne

Dema kursek bi dawî bû tu jê not werdigirî. Mamoste dê zanebûnên te binirxîne û wan bi şertên di dereceyên notên A, C û E re miqayese bike.

## Apl

Wan zanebûnên ku te li programê wergirtîne li kargehekê dikarî biceribîni û bikarbinî. Ji vê re dibêjin perwerdeya li cihê kar (arbetsplatsförlagt lärande, apl).

## Xebata Lîseya perwerdeya taybetî

Bi armanca ku nişan bidî tu ji bo wezîfeyên cuda yê xebatê baş amade yî tu dê xebateke di Lîseya perwerdeya taybetî pêk binî.

Ji ber ku divê xebata Lîseya perwerdeya taybetî temamiya perwerdeya te nişan bide tu vê yekê di dawîya perwerdeya xwe de pêk tîni.

## Pîlana perwerdeyê ya şexsî

Pîlaneke perwerdeyê ya şexsî ya te heye. Di wir de ew ders û kurs hatine rêzkirin ku tu dê di dema xwe ya lîseyê de bixwîni.

Hemû biryarên di derbarê ka tu dê çi bixwîni de pêwîst e di pîlana perwerdeyê ya şexsî de cih bigirin.

## Dîploma Lîseya perwerdeya taybetî

Dema tu piştî çar salan Lîseya perwerdeya taybetî bi dawî dikî ji te re dîplomayek tê dayîn. Di dîplomayê de ew zanebûn û tecrûbeyên te yê ji Lîseya perwerdeya taybetî hatine nivîsandin.

Ev dîploma nişan dide ka te di nav çar salên xwe yê li Lîseya perwerdeya taybetî de çend pûan xwendine.

Heger te notên pejirandî ji kursên bi gîştî ji 2500 pûanî wergirtîye wê demê tu dibî xwediyê perwerdeyêke temamî ya dibistana lîseya taybet.

## Di programê de wisa dixebitî

Di programê de li ser pirs û problemên cuda bi awayên teorîkî û pratîkî kar dikî. Tu hem bi tena serê xwe kar dikî hem jî bi tevî kesên din re. Tu bi awayên cuda hevkarîyê diceribîni.

Di programê de li ser nîqaşkirinê, fikirandin û gotina nêrîna xwe mijûl dibî.

Tu her weha hîn dibî ku îzah û îfade bikî ka tu problem û pirsên xwe çawa çareser dikî û dersên xwe pêk tîni.